


7 Ons Dummushie

Miller
Genuine Draft

Obtenible den
Tur Supermarket



DIARIO

E MATUTINO DI ARUBA

Abonado pa luna Afl.19,00*Pa ehemplar 80 cent*aña 12/No.3493

DIABIERNA 28 FEBRUARI 1992

KONKELMENTO CU ELECCION DI REINA DI CARNAVAL



Ayera nochí a keda eligi como Reina di Carnaval di Aruba 1992, Monica Saladin kende a worde corona door di Promer Ministro di Aruba Sr. Nelson Oduber. Promer finalista a keda Tarina Faro di Coastal Club, segunda finalista Rachella Kelly di Juliana School, tercer finalista Sue-Ann Ras di Savaneta y di cuarto finalista Wanda Broeksma di Royal Cabana Casino.

ORANJESTAD(AAN):Prins Barbie y Pancho Ken ayera a comete un error grandi ayera anochi di bay saca Reina di Distrito di Santa Cruz como Reina di Carnaval, siendo cu ta Monica Saladin di Aruba Tivoli Club nan mester a bay escoge como e reina eligi.

E cos aki a laga un sabor masha amargo atras pa eleccion di reina di carnaval di Aruba 1992, ya cu no ta conoci si ta intencionalmente nan a escoge "Reina Lyndell Nieuwerk".

E actitud aki di Prins y Pancho, a parce un konkelmento ayera anochi y a laga tur hende ta sinti nan mes malo cu algo asina por pasa den eleccion di Reina di Carnaval.

Mes ora tambe e prins y pancho di carnaval a wordo descalifica como prins y pancho di carnaval 1992.

President di jurado, Sr. Henk Timmerman correctamente a bini dilanti y a muestra bon cla cu e strunserup a ricibi

272 punto y e reina di carnaval MONICA SALADIN a ricibi 280 voto di juradonan y cu no ta e reina di Santa Cruz a ser eligi como reina.

Serca simpatisadornan di reina di distrito di Santa Cruz e anuncio di Sr. Timmerman a cay manera un bom durante nan celebracion cu a bira mes ora un tristeza grandi, mescos pa e candidata cu no tin arte ni parte den e asunto.

Masha vergonza masha hopi hende a sinti nan mes ayera anochi cu e desarollo aki, principalmente dilanti e jurado di exterior y dilanti otro bishitantenan di exterior cu a presencia e eleccion ayera anochi.

Hopi a comenta ayera tambe cu e decision di Prins y Pancho no solamente lo tabata pa demostra nan malcontento intencionalmente, pero lo por ta tambe un revancha riba Tivoli, pasobra nan no a mag di balia dilanti den parada di carnaval Diadomingo ultimo hunto cu e grupo di Oranjestad cu reina infantil di Playa acompaña pa piezanan di e parada infantil di Aruba Tivoli Club.

FIESTA ...Mi kier tende Fiesta cu
AMSTEL y...

AMSTEL *light*
DEN BLEKI

Pa hende cu ta gusta bebe bon, pasa bon y keda bon.
Perfecto pa Carnaval! Corda busca di bo!

JOVEN A HOGA AYERA ANOCHI

ORANJESTAD(AAN) Ayera anochi a drenta informacion na Alarm Centrale cu entre Americana Hotel y Hyatt Hotel un hombre lo a haya problema den lama.

Ambulance cu a yega na e sitio cu polis a bin topa cu un grupo di persona yudando un hende cu respiracion artificial.

E victima cu a ser saca di lama y cu tabata den estado masha critico a ser transporta pa hospital unda Dr. Brown y Dr. Posner a constata morto.

Investigacionnan cu a ser haci a indica cu ta trata aki di e joven Johnny Robert Tromp, naci 12 di Februari 1967, y kende tabata biba na Boecoeroei.

No ta conoci kico e lo tabata haci den lama na cerrada di dia ya cu e caso aki a tuma lugar alrededor di un cuarto pa ocho anochi.

Na familianan di e fallecido DIARIO ta extende su mas profundo pesame.

AAAHHHH REFRESCANTE

SHARP'S
Miller